



Universitätsbibliothek Paderborn

**Decisiones Practicæ Casuum Conscientiæ Selectorum In
Praxi, Et Foro Interno Quotidie Occurrentium,
Omnibusque, Præsertim Ecclesiasticis, Qui Sui, Et Aliorum
Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. Utrum Consecratio, & Dedicatio juxta Rubricas sint idem?

urn:nbn:de:hbz:466:1-41144

551 **A**d i. quæsumus R. Consecrationem & Dedicationem juxta Rubricas idem esse. Ita Gavantus in Thesaur. Sacrор. Rit. tom. 2. Sect. 8. cap. 5. n. 2. edition, recentioris. Ubi ita loquitur: *Dedicatio Ecclesie est ipsamet Consecratio facta ab Episcopo, ut in Pontificali: qua ita recolitur quotannis, ut Nativitas dicatur dies d. dicati templi - ex S. Leone Serm. de Machab.*

Aliud tamen est. *Dies Dedicacionis*, & aliud *Dies anniversarius Dedicacionis*: Unde diversa tam in Missali, quam in Breviario assignatur pro illis *Oratio*.

Porrò ritum consecrandi, & dedicandi Tempa ex veteri testamento sumpsit Ecclesia, ubi Moses tabernaculum, & Salomon Templum Deo dicantes, precibus, & unctione Sacrârunt. Cæremoniae in Consecratione observandas instituit S. Sylvester Papa, postquam Constantinus Imperator per Baptismum salutem, & sanitatem est consecratus, & lege à se latâ concessit Christianis per totum orbem, ut Ecclesiæ aedicare possent. Quod autem tam Episcopus consecrans, quam Patroni Ecclesiæ consecrandæ sint jejuni tempore Consecrationis, & pridie quoque ejus diei jejunent, Statuit Leo Papa in Epist. ad Diodor.

552 Ad 2. Q. An scilicet in proposito casu Religiosi illi pridie

Consecrationis possint dicere Vespertas, & Completorium, postridie vero Matutinum cum Laudibus &c. de Dedicatione?

R. affirmativè, loquendo de Casu, quo Consecratio, seu Dedicatione templi non fit in aliquo Festo, aut Dominica contra quocunque aliud Officium privilegiatâ, v. g. Dominica in Albis, aut Feria II. vel III. Pentecostes, sed Dominica, vel Festo aliquo minore, ut hæc facta est Dominicæ secunda post Pascha.

Tametsi enim pro hac Resolutione non inveniam Authorem, aut Rubricistam, qui Casum hunc, ut ut frequentem vel obiter attingat, colligi tamen illa potest ex Rubrica, quæ extat tam in Breviario Romano in *Communi Dedicacionis Ecclesie* (ubi de primis Vesperis, & Laudibus) quam etiam in Missali Romano, post Missam de anniversario *Dedicacionis*, §. 2. In quarum prima, cum tam in 1. Vesperis (NB.) quam in Laudibus pro ipso *Die Dedicacionis Ecclesie*, & per hujus Octavam expresse præscribatur *Oratio*, in Officio recitanda, diversa ab ea, quæ in Officio dicenda est in *Die Anniversario Dedicacionis*, ac per istius Octavam; & in secunda pro ipso *Die Dedicacionis* non minus præscribatur Missa in eodem dicenda, quam pro *Die anniversario Dedicacionis*,